

北洋官報

錄目

宮門抄
上諭
奏議◎憲政編查館奏京旗選舉請歸順屬辦理摺△度支部奏議復直隸鹽斤加價鈔通呈交摺△直督奏長蘆欠款請照案推展摺
公禮◎禁煙局稟二件△滬事會申二件
文告三則△電報八則△新聞十則
要件◎續憲政編查館奏定城鎮鄉地方自治章程
戊申官報目錄

本日增刊戊申官報目錄一頁

宮門抄

正月初五日 桂公謝賞食雙俸 恩 祥普續假十日 召見軍機
正月初六日 洵貝勒前往 西陵請 訓 陸潤庠張英麟等同鄉官謝 恩 克王續假十日
內務府奏初十日祭 奉先殿富侯行禮 召見軍機 洵貝勒 澤公 外務部遞封奏二件 洵貝勒遞封奏二件

上諭

正月初六日京電本日閣抄奉
上諭本年三月十二日 大行皇帝梓宮奉移 山陵暫安朕本應親往恭送以盡哀忱茲奉 皇太后懿旨此次 大行皇帝梓宮係屬暫安皇帝尙在沖齡銜哀遠出實非所宜屆時予當前往恭送用伸 哀敬皇帝不必同行欽此 慈命諄切敢不祇遵一俟數年後 陵寢工程告成再行擇吉舉行恭謁 典禮此次應派近支王公恭代行禮及一切應行禮節事宜著各該衙門直隸總督敬謹預備欽此 監國攝政 王鈐章軍機大臣署名

西歷一千九百九年正月二十八號
禮拜四
第一千九百六十三冊
一

奏議錄要

憲政編查館奏京旗選舉請歸順屬辦理並請

飭府尹充復選監督摺

奏爲京旗初選複選事宜擬請歸併順天府屬辦理並請

飭下府尹充爲復選監督以昭慎重而期畫一恭摺

仰祈

聖鑒事竊查臣館會同資政院奏定諮議局章程內開旗制未改以前京旗得於順直議員外暫設專額

十名又於原奏內聲明本章程未盡事宜得由各省諮議局擬具草案呈由督撫咨送臣館核議辦理各在案茲准

京旗諮議局籌辦處值年旗王大臣咨稱京旗初選擬於掌關防官員內由該旗都統點派一員爲初選監督其複

選即以值年旗所設之諮議局籌辦處當之由該王大臣就總辦等官內酌派一員爲復選監督商由臣館核議前

來查奏定諮議局選舉章程專額議員初選複選均附於京旗及各駐防相近之初選複選投票所開票所同日舉

行等語今將京旗初選複選事宜緣由各該旗及值年旗派員監督自係爲便於選舉起見惟揆之諮議局選舉章

程既多歧異且選舉議員係歷久通行諮議局籌辦處係一時權立監督隨時點派不能定爲經制尤與 朝廷

變通旗制之意微有不符惟有將京旗初選複選遵章附入順天府及大宛兩縣辦理較爲畫一又選舉章程複選

區域府以知府直隸廳州以該同知通判知州爲複選監督等語順天府特設府尹職分較崇原不同於直省知府

惟其管轄地方則仍自爲一府是順天複選事宜即應責成府尹方爲妥愜蓋首善之地體制本宜崇隆況益以八

旗選舉事務繁重應有大員爲之綜理故複選區域尤宜定在京師複選監督亦應使府尹身任其職以昭優異日

本東京府知事體制亦視他府知事略殊而東京府市會仍歸東京府知事監督即其比例應請將順天府屬各州

縣選舉事宜以順天府爲複選區域順天府尹爲複選監督京城內及城外京營地面人民應遵章由大興宛平兩

縣辦理初選其京旗專額議員按照原定選舉章程應附於相近之投票所開票所舉行自可卽以大宛兩縣爲京

旗初選監督順天府尹爲京旗複選監督惟京旗各事向有該管衙門主持一旦選舉事宜驟以府尹與大宛兩

縣充爲監督其中情形不無隔閡應由京旗諮議局籌辦處王大臣於京旗投票開票管理員外在八旗左右翼內每翼各選派一員充爲總管理員於初選複選時分別會同大宛兩縣及順天府尹辦理至各省駐防亦可仿辦但事務較簡由該將軍都統城守尉就駐防旗員中於駐防投票開票管理員外酌派管理一員仍會同該管地方官辦理其總管理員及管理員應行會同之處以旗人選舉之事爲限所有頒發告示執照及知會等事仍由各該監督專辦以免紛歧而通情勢事關京旗選舉及順屬複選區域自應奏明請旨遵行俾昭審慎其值年旗商請自行派員監督之處應請毋庸置議所有京旗選舉歸併順天府屬並請 飭下府尹充爲複選監督緣由是
否有當理合繕摺具陳伏乞

皇上聖鑒訓示謹

奏光緒三十四年十二月二十三日奉

旨依議欽此

度支部奏議覆直督奏通行鹽斤加價援案變通按引呈交摺

奏爲遵

旨議奏事

直隸總督楊士驥奏通行鹽斤四文加價援案略爲變通按引呈交以濟要需一摺光緒三十四年十二月初四日奉

旨度支部議奏欽此欽遵由內閣鈔出到部據原奏內稱前准部咨酌加鹽價抵補

藥稅無論何省每斤通行暫加四文以一半解部抵補練兵經費以一半劃歸產鹽銷鹽省分勻撥濟用統限本年

七月初一日一律照數加收等因經臣飭司傳諭通綱各商遵照並令將如何交款妥速議覆旋據長蘆鹽運使張

鎮芳詳據綱總商人等稟稱此項加價不敢不勉爲其難照數加收惟近年錢盤日增商人賣鹽以錢課謹以銀現

時各岸銀價每兩均漲至制錢二千四百數十文及一千五六百餘文不等至菜秋以後易銀愈多銀價必更增漲

即以現時銀價計算各商已受累不淺請援光緒二十九年加價四文每引交銀一兩二錢統共包交銀七十萬兩

成案辦理等情該司查從前加價一文每引交銀三錢加價四文應交銀一兩二錢此次加價四文據該商等請交

銀一兩二錢核與光緒二十九年奏准之案相符惟近年出庫之引總在六十餘萬道核計交款當在七十萬兩以

上較諸包交七十萬之數有增無減應請仍照前案每引交銀一兩二錢自本年七月初一日起隨引呈交至請包

交一節亦近取巧現擬按引計算以期核實謹奏咨前來臣查係舊情仰懇 天恩俯准照擬辦理等語臣等

伏查光緒二十八年七月奉 旨派總督袁世凱奏長蘆新案四文加價按每引包交銀一兩二錢擬令豫岸包繳

伏查光緒二十八年七月奉 旨派總督袁世凱奏長蘆新案四文加價按每引包交銀一兩二錢擬令豫岸包繳

銀二十四萬兩直岸包繳銀四十四萬兩當經臣部議以該督所請包繳加價銀數按引核計豫岸僅及原額八成直岸則尤不及原額七成其以制錢一千四百餘文折銀一兩或一千七百餘文折銀一兩比較市價虧短甚多令將直岸新案加價比照豫岸辦法暫按額引八成包繳並將直豫兩岸加價錢文另行按照市價核實折銀奉

旨依議嗣於光緒二十九年六月據該督覆奏長蘆直豫兩岸商人通力合作每年包繳加價銀七十萬兩欽奉

硃批 戶部知道欽此欽遵在案今直隸總督楊士驥奏稱此次鹽斤四文加價據綱總商人等稟

請援照光緒九年加價四文每引交銀一兩二錢統共包交銀七十萬兩成案辦理該司張鎮芳查近年出庫

之引總左 道核計交款當在七十萬兩以上應請仍照前案每引交銀一兩二錢自本年七月初一日起

隨引呈交 一節近取巧擬按引計算以期核實等語臣等查長蘆商人請將此次四文加價包繳銀七十

萬兩該司謂其迹近取巧擬令按引計算誠為正辦惟擬將每引加價錢文援照成案折交銀一兩二錢則仍未能

核實查直岸蘆鹽每引額定五百八十七斤七兩豫岸蘆鹽每引額定五百九十二斤七兩以每斤四文計之每引

應收錢二千三百數十文若每引折交銀一兩二錢是以制錢一千九百餘文折交銀一兩核與原奏所稱現在各

岸銀價均漲至制錢一千四百數十文及一千五六百餘文之數未免兩歧此次奏准鹽斤加價係為抵補藥稅而

設部庫與產鹽銷鹽省分均特此款稍為接濟不得援引 特旨允准之案以為比較該司於包繳銀七十萬

兩既已變通辦理則以錢折銀一層自當一律變迪按照時價折收方為實事求是之道擬請 旨飭下直隸總

督轉飭長蘆鹽運使按照直豫兩岸每年出庫引數徵收四文加價並將每引折交銀數另按時價核實折收報部

核辦以重課款所有遵議緣由理合恭摺具陳伏乞

皇上聖鑒謹 奏光緒三十四年十二月二十日奉 旨依議欽此

直督楊奏長蘆補欠積欠二款仍請照案推展五年摺

奏為長蘆補欠積欠二款勢難補徵仍請照案推展五年以紓商力恭摺仰祈 聖鑒事竊查長蘆應徵補欠積

欠二款係嘉慶道光以前案商欠項於道光二十八年清查案內議令現商按引攤交前因商累已深奏准自同治

十三年起停徵五年嗣於光緒四年九年十四年十九年二十四年二十九年六次推展各五年在案扣至二十四

年十二月限滿據長蘆鹽運使張鎮芳詳稱此項積欠雖係遠年案商懲欠之款究關課項現值時艱帑絀如果商力能完原難再准展緩惟自道光二十八年釐定科則以後加徵各項加價均於領引時先行籌墊近復先課後鹽並新增加價等款連本增重領引維艱又值庚子兵燹元氣大傷本年水旱成災錢盤增漲商力已屬不支若再將遠年案商舊欠責令代還轉恐掣動現年課款得不償失據通綱商人瀝情籲請推展該司詳加體察確係實在情形照案自宣統元年起展限五年俟限滿再行察酌核辦等情具詳前來臣查現課本較舊欠緊要必須先顧現課庶無誤京協各項餉需蘆綱自遭兵劫元氣未復兼以迭次加價運本愈增愈重商情艱窘異常完交現課已屬力盡筋疲勢難責令再還舊欠應懇 天恩准如所請辦理藉恤商艱所有長蘆補欠積欠二款仍難補徵請照案再展五年緣由理合恭摺具陳伏乞 皇上聖鑒訓示謹 奏奉 旨著照所請該部知道欽此

公牘錄要

直隸禁煙總局詳請懲辦禁煙不力各州縣文並批

爲詳請事竊查禁煙 功令日益森嚴 朝廷三令五申視爲要政職道等復面奉 憲台鈞諭切實整頓何敢少避嫌忌致負 任使第直隸全省地方遼闊深慮耳目難周用特密派得力員司嚴行調查官場戒煙迭經諭令尅期斷淨并札該管上司查明稟報所有職局調驗所及保定分局先後驗過各員已有四十八名仍當不時訪聞不時調驗以冀除惡務盡至所發憑牌照原爲核減售煙地步全恃各地方官認真經理可收實效乃開辦以來其實力奉行者固不乏人而漫不加意者尤居大半現奉 憲台札飭加收牌照捐尤在嚴查吸戶責成膏店若復任意玩泄則迄無禁淨之一日所有禁煙不力各州縣其有意徇縱及延誤公事者分別開列銜名并將密查實據稟報虛誕另摺附陳應如何量予懲處以重 功令而儆效尤之處理應具文詳請 憲台鑒核訓示祇遵實爲公便爲此備由具呈伏乞 照驗施行須至呈者

督憲楊 批詳摺均悉南皮縣知縣孫鴻烈清河縣知縣高紹陳新城縣知縣李秉和遷安縣知縣劉道春磁州知州黃祖戴等五員於禁煙一事並不認真查禁以致不領牌照之人任意私吸不領憑照之戶任意私吸各該牧

令毫無覺察殊屬不成事體姑准從寬各記大過一次以示薄懲候行藩司註冊飭知仰即由局轉飭各該州縣勒限一律查禁倘再玩泄奉行不力者一經查出定行撤參本部堂決不稍寬此繳

直隸禁煙總局詳東鹿縣知縣閻駿業不服查驗擅自離所應否嚴加懲儆請示遵文並批

爲詳請事竊職局恪遵 禁煙大臣 奏定章程設立調驗所凡形迹可疑及訪聞明確者次第調驗在所或五六日或八九日確係煙藥皆淨方給證書並註明嗣後仍行調驗以爲永絕煙癮起見現計調過人員共二千六百名因不遵依 功令乃有東鹿縣知縣閻駿業前經訪聞嗜好最深並據該管知府王守守聖稟揭前來職局行文調驗遷延三月之久已屬有意規避報到後職道等因其形迹可疑諭令多住三二日切實辦理以昭公允該令竟口出不遜擅自離所似此藐玩殊屬荒謬若不嚴加懲儆則調驗人員無所畏懼於禁煙 功令顯敢違悖公事頗多窒礙用特據實上陳應將該令如何嚴辦之處詳請 憲台鑒核訓示祇遵實爲公便伏乞 照驗施行須至詳者 督憲楊 批據詳已悉候即飭司將該令先行撤任嚴飭赴局聽候查驗繳

天津縣議事會申關道文

爲申請事案於光緒三十四年十一月十六日接奉 憲台札開爲札飭事本年十一月十三日准法國高領事照稱華歷本年十月初九日接准貴道來文內開現據天津縣議事會申稱案據馬家口地戶王聘三等到會聲稱云云惟有仰懇 憲台詢明法領事究擬每畝給價若干轉行到會等情照請查照見覆等因准此查本領事於此案無不努力辦理以期早日完結想已早在貴道洞鑒之中嗣因辦理價目一事甚形棘手本領事曾擬延請公正人秉公核實當於西歷本年四月六號中國衆地戶延請公正人一名法國工部局亦延請公正人一名無奈該地戶等口允照辦後復返悔現在不能再行從前辦法蓋本領事從前甚爲努力辦理此事以期一律辦結茲因別無善法惟有與各地戶直接商辦本國工部局現爲辦理此事特設推廣租界局一處業已派定前工部局工程科長布日唯寓津法國律師柏爾德本署副領事蘭必思等三員專司其事至辦事時日則訂於每禮拜六自下午二點鐘起至四點鐘止該局即在法界中街柏律師公館內即請貴道轉飭該地戶等各自攜帶契據按照前開時日赴局呈驗以憑秉公議價而便給領照復查照等因到道准此除札法租界委員傳知外合行札飭札到該會即便傳諭

王聘三等一體知照此札等因奉此遵將王聘三招請到會據情開導惟據該居戶等聲稱此案前曾由王國安等托林文德律師辦理嗣因草合同內訂有按照西歷一千九百四年議價等語民等視為不得公平未經允准遂作罷論至法國領事所稱由民等自行持契前往辦理一節查馬家口所有房地並非在約章劃歸該國租界則自行持契前往議價自無如此辦法惟有仍祈議事會懇請 關道憲據理以爭鼎力維持議定公平價值民等血產不致輕易與人以免流離失所等情議員等查該居戶王聘三等所稱各節自屬實在情形惟有仍懇 憲台與法國領事妥商究竟每畝給價若干早為辦結以免該各戶日久懸望實深感盼所有請商馬家口地價緣由理合申請 憲台鑒查並希核覆施行須至申者

又申天津府文

為申請事查董事會接辦清丈公所因無栽種樹木清冊迭次函催議事會申請 憲台飭縣照發在案惟延候許久未蒙 縣尊移交到會每遇辦理該公所事件應查樹木若干並於何處栽種無案可稽碍難著手茲於十二月初六日接到董事會函稱昨接勸學所函稱於光緒三十年由藥王廟廟產項下先後提用洋二千元經清丈公所栽種楊柳樹株西自營開外稅局至楊柳青鎮北自西沽至漢溝鎮沿河兩岸共樹二萬株專備學款之用曾經前局查點一次計活一萬八千株之譜迄今五年計已成蔭值此嚴冬時候亟應及時交條出售以備來年補助各學堂經費應請貴會派人趕緊辦理以免遲誤致被他人竊伐等語查敝會接管清丈公所卷內並無栽種樹木清冊前曾兩次函請貴會轉請府尊飭撥未蒙覆到茲據勸學所函述云云敝會無案可稽無從著手應請再為申請照發以便查照辦理等情嗣又接到董事會函稱此項種樹清冊一再請發未蒙覆到按度情形必係清丈公所謝委員交代時未曾繕交清冊茲據勸學所函述樹株數目及栽種所在各情想係當日清丈公所知照有案目前前條出售進款必非少數未便坐待清冊致誤辦理擬照勸學所函陳各節併入清丈公所原案由董事會接管申請 府尊批准行縣立案趕即辦理交售事宜以免廢棄物利以上擬議辦法是否有當希即核議如以為可即由貴會申請抑由敝會逕稟府尊立案之處統候示覆施行各等因議員等按樹木清冊本為該本公所查驗樹木必不可少之件迭准董事會函催敝會申請憲台飭發迄未移交到會茲據董事會准勸學所函叙各節請將該樹木接

管前來當經公同核議此項樹木既由廟產項下撥款栽種備充學費係屬地方公產自應據請憲台立案由董事會經管再祈飭縣查照在案以重公產而保利權所有董事會經種樹木據情申請立案緣由理合備文申請憲台查核施行須至申者

文告錄要

吏部示諭○爲曉諭事查定例每年正月開印後投供驗到仍算初一日驗到等語今宣統元年正月初一日係在封印期內例不投供應於正月十九日開印後定期二十三日投供二十四日驗到仍按初一日計算相應出示曉諭可也

吏部批示○據湖北京官外務部主事范迪襄等呈稱陸軍部新設正副軍校等武職應否准其出結請示遵行等情到部查例載五六品京官方准出結係指各衙門司員而言陸軍部新設正副軍校等官既非司員又係武職應不准其出結以符定例此批○又批據禮部祠祭司郎中夏敬敏呈稱係江西新建縣難廕生遵例報捐郎中籤分工部光緒三十二年八月學習期滿奏留是年工部裁併三十三年正月改掣禮部本年三月初十日補授祠祭司郎中遵例捐免試俸歷俸在案理合呈明截取等情到部查定例報捐之郎中有捐免試俸者應扣明實歷俸次三年方准論俸截取陞用知府等語今該員歷俸尙未期滿所有呈請截取之處碍難辦理應俟實歷俸次三年期滿後再行截取可也此批

督憲批示錄要○法政研究所稟請刊發關防並另租房屋由 批如稟辦理茲刊就直隸官吏法政研究所之關防一顆隨批發去仰即查收啓用具報並移考驗處查照繳○藩司詳豐潤縣紳董沈瑞雲等辦理留養局務出力請獎由 批詳摺均悉豐潤縣紳董辦理留養局務出力之沈瑞雲應給嘉惠桑梓四字匾額一方拔貢生姚武林縣丞銜曹竹筠喬汝霖貢生張肇祺均准給五品獎札各一張茲書就四字匾額一方五品獎札四件隨批發去仰即查收分別轉給祇領摹泐懸掛具報繳○馬道吉森稟查明宛平房山兩屬礦產并勸明金窩溝礦界由 批據稟已悉候將礦表圖冊一併札發礦政調查局查案詳細核辦具覆繳○冀州祝牧芾稟設立禁煙局所擬訂章程請立案由 批稟摺均悉該州設立戒煙局所擬各節是否可行仰禁煙局核飭遵照具覆繳照式

存○定州陳燕昌稟勸學員劉錫現等請獎由 批稟冊均悉仰提學司核擬詳辦繳○啟新洋灰有限公司稟前存銀錢所老廠房屋地畝各價款擬由此款內發給舊股東票息銀元由 批如擬辦理仰即移會准軍銀錢所查照繳

電報錄要

路透電○英國某員條陳政府請開墾荒地九百萬英畝以爲種樹之用過八十年後可得款一千七百五十萬鎊若能照章行去可以安置無業之民數千其經費則擬先用借款

又電○土京電云土政府擬聘請英法義三國武員整頓馬其頓常備軍隊

又電○美國與委尼瑞拉國議安將和委兩國交涉之件交海牙萬國和平會議結

又電○法國仿英國戰艦德瑞納提號式建造之戰艦烏洛達爾號現在徒倫軍港舉行進水典禮

又電○土耳其儲君偕同土國海軍武員十人擬乘坐美國在地中海戰艦前往美國學習海軍

又電○英皇擬於西二月往德京遊歷一事并非爲觀閱德國陸軍大操起見聞德國塞丁官報云英皇遊德必能使英德邦交益見親密并預料英德兩國協同整頓非洲西部防軍

又電○俄國於西一月十五號提議之國債現在以八八七五收入英京購股票甚爲踴躍

又電○布加利亞政府擬付給土國賠款八十二兆佛郎以爲布國搶佔東方鐵路并東魯米利亞賠款布京人民聞此消息甚爲驚訝謂布國財政不足何能出此賠款云

新政紀聞

政治

電詢諮議局章程○去臘二十二日憲政編查館收新撫聯中丞電稱刪電敬悉前准貴館咨奉

諭旨統限

一年一律將諮議局辦齊並頒發諮議局暨選舉章程等因准此業經嚴飭遵辦在案惟查諮議局章程要在選舉之員重在土著新疆地處偏僻種類龐雜一切迥殊內地選舉一事尤爲甚難如土爾扈特布魯特哈薩克諸部落以游牧爲生家無恒產而又自爲風氣自爲語言不能行選舉者無論矣即就北路各屬論之士著少而客

籍多客籍之中又漢民少而回民多族類各殊性情隔閡兼之此種門釐大半商賈及下苦謀生之人來去無常有今歲居此明年即棄而之他者加以地屬遐荒人不識字自設提學使以來雖極力勸導入學者不過五六十分之一且多係童蒙微特有被選之資格者無幾即有選舉之資格者亦無幾南路悉爲纏回語文皆異現設學堂公家出費然非強迫不可執此生獠野蠻驟語以選舉皆茫然不解其何故惟此等要政事在必行又不可操之過急擬照東西各國治邊疆屬地特別之法如英德諸國之治阿非利加日本之治北海沖繩諸政現奉部飭改諮議局爲諮議局籌辦處擬先籌辦培植議員之法於省城中學堂添課法制一門並飭各地方官於宣講所將自治之書籍章程隨時宣講以開民智至於選舉議事各事宜則期以四五年後學堂畢業民智漸開人格漸高再行次第籌辦等情據三司等詳覆前來本部院詳加考核均屬實在業於本年五月設立諮議局籌辦處謹先將回民大概情形咨呈在案合肅電覆伏乞鑒核

電告駐防專額議員選舉事○去臘二十七日憲政編查館發直隸等省各制台及杭州等省各撫台電云本月二十三日日本館具奏京旗駐防專額議員選舉事宜一摺內開各省駐防由將軍都統城守尉就駐防旗員中於投票開票管理員外酌派會辦選舉管理員一員會同該管地方官辦理旗人選舉所有頒發告示及知會等事仍由各該地方官專辦以免紛歧奉 旨依議欽此除咨行外希即迅轉各將軍都統及駐防衙門飭屬遵辦電告旗蒙選舉章程○去臘二十七日憲政編查館發黑撫電云本館諫電所稱旗蒙人等僅識滿蒙文不識漢字者仍以不識文義論一節惟江省此類旗蒙之人處所廣狹人數多寡希即分別電知再行核辦

學務

咨請查補學生官費○江督端午帥近據泰興縣留學日本學生姚夢虞稟肄業千葉醫學專門學校已經一年現甯屬官費學生畢業回國者甚多請補給官費以資體恤又據海門廳學生季新益稟自去春考入日本文部省直轄名古屋高等工業學校機織科請給官費等情當查該兩生前曾請補官費祇以彼時官費未有缺額雖入官立高等專門學校亦苦無從叙補此次續請補給官費既據稱官費已有缺額自應查照學部定章辦理惟現在何項學生於何時缺額該生等應補何生之缺爰即咨請出使日本大臣轉飭監督處查明見覆以便飭遵

高等學堂招收新生○福建高等學堂爲全省各學堂之最高級前因各府縣申送學生時期不齊致科學程度不能劃一已於去年秋間截止送生現因甲班卒業擬於本年添設新生由監督陳弢菴閣學移文提學司請轉飭各府縣凡在高等小學卒業者及曾入他處中學者年在十八歲以內品行端正者均須預考限於正月初十內開考二十日以內開課

軍政

砲工學校畢業訓詞○浙江省砲工學校於去臘舉行畢業增中丞曾有訓詞略云國於環球非兵不强兵何以強曰練練何以精曰學兵學有普通有專門砲兵工兵皆專門學科也陸軍之有砲兵擊遠命中有開必先能使各兵隨其動作以發揚蹈厲奮迅直前實爲一軍之骨幹工兵則架橋築壘隨機應變能使各兵種去其障礙以追奔逐北操縱自如實爲一軍之爪牙故步騎輜重無砲兵工兵以輔翼之左右之必不能獨力作戰砲工顧可不重哉今日爲我浙江砲工學兵營將校弁目兩科舉行畢業之期本部院親臨校閱觀其操演試其工作課其學術詢其內務均尚嫻習有可以觀默察諸生之志氣沉毅果敢足備干城軍界前途實堪慶幸此由東中教習之悉心指授諸生之實力講求始克收此效果洵足嘉慰第本部院尤有進者諸生補習砲工今已畢業矣但屬速成難云完備毋遽自滿以阻進修且諸生既受軍事教育尤宜守軍人資格毋或自棄以墜名譽第一要正心衛忠君愛國爲軍人惟一之宗旨古來名將盡屬忠臣爾等宜共勵丹心圖標青史第二要能服從軍人有上下無平等上官代表國家發爲命令不違命令不服上官卽爲軍隊之罪人上官可責我不可反責上官上官更有上官之節制軍人斷不許越分犯上者軍人主專制通古今達中外無二理也第三要知分量學問不足宜思自修功名不就宜思自守今日爲弁目明日卽思爲官長今日爲偏裨明日卽思爲統帥踴躍等求學軍人所恥爾諸生其戒之本部院有厚望焉

民事

精製各種戒煙奇方○直隸全省禁煙局精製各種戒煙奇方如下 傳提學家傳良方最爲上品神奇之至 參芪飲 (馬醫生所製極精) 薑棗甘草丸 (楊大令秘法半月戒淨) 參茸補正丸 (成方) 簡易丸 (成方) 忌酸丸 (成方) 六味地黃丸 (成方) 以上各藥禁煙局戒煙醫院均有可以隨時往領不取分文以戒斷爲止 又美醫唐嘉利戒煙所(在法界紅樓後本局有照可以往戒五七天斷淨亦不取費) 西法

戒煙 (本局委員許所製三日斷淨藥資自備) 姜棗丸補正丸並分存巡警各局區四鄉亦有各租界亦將設法發給

實業

開辦工科大學堂○江督端午帥擬在上海開辦江南工科大學堂爲振興實業基礎所有學堂房屋議定購買中國圖書公司在上海小南門外建造之西式房屋現由該公司總理協理等議定草合同共計屋價地價上海規元銀十二萬兩先付定銀五成計規銀六萬兩除行司詳請奏咨外並將草合同抄稿札發財政局遵照於年內先行籌銀六萬兩交付該公司取立收據呈報備查其餘銀兩照議定草合同期限辦理

訂定參考農學規則○川省奏設農業學堂原爲推廣農業起見凡本省及外省有志之士均准赴學參考特先訂定參考章程凡來堂參考者須先投呈意見書給予入塲券并須陳明因辦何事調查何項以便派員招待並指導一切惟不得留食寄宿其參考日期以七日截止如熱心農學須細加研究者又須換券方能再行參考然至多亦不得逾二星期每日參考時間自午後一時至四時爲準現已逐條開列懸示該堂矣

要件

章程類

憲政編查館奏定城鎮鄉地方自治章程 (續昨報)

第四節 自治職

第八條 凡城鎮各設自治職如左

一 議事會 一 董事會

第九條 凡鄉設自治職如左

一 議事會 一 鄉董

第十條 城鎮鄉地方有分屬二縣以上或直隸州與縣管轄者其自治職仍得合併設置毋庸分立

第十一條 城鎮有區域過廣其人口滿十萬以上者得就境內劃分爲若干區各設區董辦理區內自治事宜其

細則以規約定之

第十二條 鄉有戶口過少其選民全數不足議員最少定額十倍之數者得不獨立設置自治職與同一管轄內鄰近之城鎮鄉合併辦理 若因地方情形不便合併者除按章設置鄉董外得不設鄉議事會以鄉選民會代之

第十三條 凡二鄉以上有彼此相關之事必須連合辦理者得以各該鄉之協議設連合會辦理之

第十四條 城鎮鄉地方各設自治公所爲城鎮鄉議事會會議及城鎮董事會鄉董辦事之地 自治公所可酌就本地公產房屋或廟宇爲之

第五節 居民及選民

第十五條 凡於城鎮鄉內現有住所或寓所者不論本籍京旗駐防或流寓均爲城鎮鄉居民 居民按照本章程所定有享受本地方公益之權利並有分任本地方負擔之義務

第十六條 城鎮鄉居民具備左列資格者爲城鎮鄉選民

一 有本國國籍者

二 男子年滿二十五歲者

三 居本城鎮鄉接續至三年以上者

四 年納正稅（指解部庫司庫支銷之各項租稅而言）或本地方公益捐二元以上者

居民內有素行公正衆望允孚者雖不備第三第四款之資格亦得以城鎮鄉議事會之議決作爲選民 若有正稅或公益捐較本地選民內納捐最多之人所納尤多者雖不備第二第三款之資格亦得作爲選民

第十七條 有左列情事之一者雖具備前條第一項各款及合前條第三項所定資格不得爲選民

一 品行悖謬當私武斷確有實據者

二 曾處監禁以上之刑者

三 營業不正者 其範圍以規約定之

四 失財產上之信用被人控實尚未清結者

五 吸食鴉片者

六 有心疾者

七 不識文字者

第十八條 城鎮鄉選民按照本章程所定有選舉自治職員及被選舉爲自治職員之權 以第十六條第三項資格作爲選民者有選舉自治職員之權若不能自行選舉權者得遣代理人行之 代理人以具備第十六條第一項第一二款之資格且不犯第十七條所列各款者爲限

第十九條 左列人等不得選舉自治職員及被選舉爲自治職員

一 現任本地方官吏者

二 現充軍人者

三 現充本地方巡警者

四 現爲僧道及其他宗教師者

第二十條 現在學堂肄業者不得被選舉爲自治職員

第二十一條 凡被選舉爲自治職員者非有左列事由之一不得謝絕當選亦不得於任期內告退

一 確有疾病不能常任職務者

二 確有他業不能常居境內者

三 年滿六十歲以上者

四 連任至三次以上者

五 其他事由特經城鄉議事會允准者

第二十二條 無前條所列事由之一而謝絕或告退者得以城鎮鄉議事會之議決於一年以上五年以下停止

其選民權

(仍未完)

戊申北洋官報目錄

奏議

正月初六日

憲政編查館奏酌擬切實考驗外官章程摺

法部奏遵議御史俾壽請派御史陪審以資監督摺

初七日

民政部奏酌定各直省土地報告表式摺

東督徐等奏開辦各級審判廳情形摺

江督端奏選派學生赴美留學辦理情形摺

初八日

大學士張外務部尚書袁等奏改訂津浦鐵路借款合同摺

同摺

督辦土藥統捐大臣柯奏土藥局緩裁妥定章程摺

初九日

內閣會議政事處奏議覆東督徐奏吉省請增設府州縣缺摺

縣缺摺

又奏議覆都察院代遞知縣曹克祇條陳教育自治辦法片

法片

東督徐等奏酌擬奉省各官養廉公費以勵廉隅摺

初十日

內閣會議政務處奏議覆兩廣總督張奏請廣東水陸

提督仍分兩缺摺

吏部奏擬定驗看最優等州縣選用班次並准接運選用片

摺

民政部奏法部審判廳成立裁撤預審廳摺

度支部奏原定則例比丁一條請劃歸民政部辦理片

陸軍部奏調東鎮協餉項准再展一年期滿應即自籌摺

摺

十一日

修訂法律大臣沈等奏遵議滿漢通行刑律摺

又奏旗人詞訟統歸各級審判廳審理片

東督徐等奏援案開採蜂密溝煤礦摺

十二日

東督徐等奏查明紅十字會保案請獎摺

又奏辦理紅十字會各員請分別贈給佩章片

又奏興安嶺一帶山麓墾闢情形片

粵督張奏粵東新軍編配裁併情形及現籌辦法摺

十三日

法部等會奏各級審判廳成立酌擬司法警察及營翼

地方辦事章程摺

粵督張等奏廣西邊道員缺舉賢懇恩破格簡擢摺

熱河都統廷奏辦理蒙墾情形摺

又奏廣籌旗丁生計推廣實業摺

十四日

學部奏續調人員差遣摺

又奏調翰林院侍講廷昌等到部行走片

又奏派翰林院侍講文斌接充八旗高等學堂監督片

江督端等奏地方自治先就省城設局籌辦摺

又奏地方自治局附設諮議局片

綏遠城將軍貽等奏試辦抽收煤炭窯釐摺

十五日

江督端等奏詳籌官民禁煙及公債票碍難遽辦摺

贛撫瑞奏薦舉人才摺

十六日

署直督楊奏提學司照給養廉酌加公費摺

東督徐等奏訥謨爾河各段墾荒報竣分別升科摺

黔撫龐奏財政困竭懇撥稅款並飭解協餉摺

法部等會奏請變通秋審緩決人犯辦法摺

法部奏金銀錢價今昔不同擬請嗣後計贓科罪之案

照時價值摺

東督徐等奏盤蛇驛牧場河工一律完竣摺

十八日

大學生張尙書袁等奏津浦鐵路預定官商合股辦法

摺

稅務大臣奏總稅務司因病請假并請派副總稅務司

接署摺

鄂督趙奏各標鎮協營增添裁汰各數摺

十九日

大理院奏設立統計處並飭各員研究憲政事宜摺

東督徐等奏揀員請署道缺摺

又奏開缺廳丞朱啓鈞調東差委片

又奏吉省 計典請展緩辦理摺

烏里雅蘇台將軍奎等奏查勘金山卡倫并無偷挖情

弊摺

二十日

民政部奏調用各員留部分省補用學習摺

署直督楊奏 大計應行舉劾摺

蘇撫陳奏 大計應舉各員摺

二十一日

度支部奏改補各司舊有員缺摺

二十二日

法部奏各級審判廳收審案件由部按月具奏摺

粵督張奏南洋紳商捐款興學請獎摺

皖撫馮奏保舉人才摺

啓者新洋灰有限公司廣告



啓者本公司係承受唐山洋灰公司創設新廠歸併舊有之考廠擴充辦理改
 名啓新洋灰有限公司稟奉北洋升督憲袁咨准農工商部註冊章案上
 年購到外洋最新式機器全副去臘業已開機所出之灰據四洋化學師疊次
 考驗拉外洋力俱高出外洋之等項無論躉零交易均可本公司總理處設在
 天津海大道英租界先農公司對面並於北京烟台上海漢口等埠均設分處
 藉擴招徠如蒙司購交貨無不從速至價廉貨高久爲中外紳商所信用
 不待贅述所有不公司種磚瓦等件尺寸重量式樣及大概用法另刊華
 洋廣告光願諸君清向本公司索閱價值一切亦可接洽也
 得待風一千三百九號

武齋洋行

本行開設天津 於茲二十餘年 自運各種洋貨 絨紗布匹調緞 編化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行携帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙 官仕紳商推許奏譽遠近周知茲因 北洋
 官醫局之聘除星期外每日早十點鐘起至午十二點鐘在官醫局視病其餘時刻仍在本院候診茲將改訂時刻
 開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘出
 診惟星期則整日在院 二凡遇有重要病症除往官醫局時刻外隨時皆可出診不拘時限或有應剖割病症隨
 時來院均可診治 三本醫出診除應收醫金外概不多取如有車夫索費等弊請即告知本院斥辦 四凡來病
 院取藥者無論何時皆可配給 五本醫院備有潔淨養症室上等三間次等五間三等五間看護周到飲食一切
 或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

日本最近政學調查記廣告

近來游歷日本冠蓋相望日記一書浩如煙海求其見聞確實鉤玄纂要者每不多觀膠州逢馥齋觀察承項城袁樞相之命赴東攷察政治游歷匝年於政治議會察裁判監獄軍事學務農林漁業鐵道銀行無不各有心得洞見源流是以戰筆成書原原本本本網羅無遺復經日本大隈伯爵高田博士贈以序文推其典麗翔實得未曾有自嘉應黃氏之日本國志德清傅氏之日本圖經外得此而三久為各當道稱讚現當預備立憲時代有欲研究政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大書坊 定價大洋一元四角

利源

本行開設天津上海香港志呢華海參歲等處均設立有年諸班貨物由外洋本機器廠自造研鑽石戒指耳墜鐲子表墜大小八音盒並留聲話匣單雙桶千里眼砗磲磨花穿衣鏡妝梳洋鏡大小皮包法國洋號又新到轉盤換調話匣八音盒價格格外從廉仕宦官商凡願者請移玉紫竹林法租界本行面議可也本行主人啓

本行主人啟

林祥元記

本號開設（北京前門外鮮魚口）（天津估衣街中間路北）（山東濟南府院西路北）等處自置綢緞洋貨顧繡粧蟒花素貢絨粧緞各色抖蓬哈啞厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸

瑞林祥元記具

京張鐵路局廣告

啓者本路現值年假定於正月初一日停車一日初二至初八此七日內祇開第一二三四五六次車京門枝路祇開第七八次車如有貨物須裝運者臨時酌開專車以免延悞初九日起以後照常行特此佈告

